

Siunnersuummut nassuiaatit

## **Nalinginnaasumik nassuiaatit**

### **1. Aallaqqaasiut**

UKA 2018-imi imm. 106 “Angajoqqaat sulinngiffeqartarnerat pillugu malittarisassani atuuttut allanngortinneqarnissaannut siunnersuusioqqullugit Naalakkersuisut peqquneqarnissaannit Inatsisartut aalajangiiffigisassaattut siunnersuut, taamaasilluni sulinngiffeqartarneq sapaatip akunnerinik sisamanik sivitsorneqartussanngorlugu. Allannguut atuutilissaaq ulloq 1. juuli 2019 aallarnerfigalugu” Inatsisartut akuersissutigaa.

Naartunermi, erninermi meeravissiarthaarnermilu sulinngiffeqartarneq il.il. ullormusiaqartarnerlu pillugit Inatsisartut inatsisaannut allannguutissatut siunnersuut manna Inatsisartut aalajangiussaanut qulaani pineqartumut piviusunngortitsineruvoq.

### **2. Siunnersuummi immikkoortut pingaarnerit**

#### *2.1. Inatsit atuuttoq*

Angajoqqaat sulinngiffeqartarnerat pillugu malittarisassat Naartunermi, erninermi meeravissiarthaarnermilu sulinngiffeqartarneq il.il. ullormusiaqartarnerlu pillugit Inatsisartut inatsisaat nr. 14, 7. December 2009-imeersumi § 15, imm. 1-imi aamma § 15, imm. 2-mi takuneqarsinnaapput.

Meeqqamik 1-mi inunngortoqarsimanera tiguisoqarsimaneraluunniit imaluunniit meeqqamik 2-nik amerlanernilluunniit ataatsikkut inunngortoqarsimanera imaluunniit tiguisoqarsimanera malittarisassani immikkoortinneqarput.

Angajoqqaat meeravissiarthaartulluunniit meeqqamik 1-mik meerartaarsimasut tiguisimasulluunniit sapaatit akunnerini 17-ini angajoqqaatut sulinngiffeqarnissamik pisinnaatitaapput.

Angajoqqaat meeravissiarthaartulluunniit meeqqamik 2-nik amerlanernilluunniit meerartaarsimasut tiguisimasulluunniit sapaatit akunnerini 21-ini angajoqqaatut sulinngiffeqarnissamik pisinnaatitaapput

#### *2.1.2 Allannguutissatut siunnersuut*

Siunnersuut aqquutigalugu angajoqqaat sulinngiffeqartarnerat sapaatit akunnerini 4-ni sivitsorneqassaaq.

Angajoqqaat imaluunniit meeravissartaartut, 1-mik meerartaarsimasut tiguisimasulluunniit, taamaalillutik sapaatit akunnerini 21-ini angajoqqaatut sulinggiffeqarnissamik pisinnaatitaallissapput.

Angajoqqaat imaluunniit meeravissartaartut, 2-nnik amerlanernilluunniit ataatsikkut meerartaarsimasut tiguisimasulluunniit, taamaalillutik sapaatit akunnerini 25-ini angajoqqaatut sulinggiffeqarnissamik pisinnaatitaallissapput.

<b>Inatsisissatut siunnersuutip inatsimmut atuuttumut naleqqiunneqarnera</b>	
<i>Oqaasertaliussat atuuttut</i>	<i>Inatsisissatut siunnersuut</i>
	<b>§ 1</b> Naartunermi, erninermi meeravissartaarnermilu sulinggiffeqartarneq ullormusiaqartarnerlu pillugit Inatsisartut inatsisaanni nr. 14, 7. December 2009-meersumi tulluuttut allanngortinneqassapput:
<b>§ 15, imm. 1.</b> Angajoqqaat meeravissartaartulluunniit marluullutik meeqqap erniunerata tiguneqarnerataluunniit kingorna sapaatit akunnerinut siullernut 15-inut ataneqartumik sapaatit akunneri 17-it tikillugit sulinggiffeqarsinnaatitaapput.	<b>1. § 15, imm. 1,</b> ima oqaasertalerneqassaaq: ”Meeqqap inunngornerata imaluunniit meeqqap tigunerata kingunitsiannguagut sapaatit akunnerinut 15-inut atatillugu angajoqqaat meeravissartaartulluunniit katillugit sapaatit akunneri 21-it tikillugit angajoqqaatut sulinggiffeqarnissaq pisinnaatitaaffigaat.”
<b>§ 15, imm. 2.</b> <i>imm. 2.</i> Angajoqqaat meeravissartaartulluunniit marlulissanik amerlanerusunilluunniit ataatsikkut erniusunik meerartaartut meeravissartaartulluunniit marluullutik meeqqap erniunerata tiguneqarnerataluunniit kingorna sapaatit akunnerinut siunnernut 19-	<b>2. § 15, imm. 2,</b> ima oqaasertalerneqassaaq: “Meeqqat inunngornerisa imaluunniit meeqqat tigunerisa kingunitsiannguagut sapaatit akunnerinut 19-inut atatillugu, meeqqanut 2-nnut imaluunniit amerlanermut ataatsikkut inunngortunut angajoqqaat meeravissartaartulluunniit katillugit sapaatit akunneri 25-it tikillugit angajoqqaatut sulinggiffeqarnissaq pisinnaatitaaffigaat.”

inut ataneqartumik sapaatit akunneri 21-t tikillugit sulingiffeqarsinnaatitaapput.	
	<p style="text-align: center;"><b>§ 2</b></p> <p>Inatsisartut inatsisaat 1. januar 2020 aallarnerfigalugu atuutilerpoq, naartunermi, erninermi imaluunniit meeravissiarternermut atatillugu sulingiffeqarnermi ullormi inatsisip atuutilerfiani kingusinnerusukkulluunniit atuutissalluni.</p>

### **3. Pisortanut aningaasatigut allaffissornikkullu kingunerisassai**

Erninermtut atatillugu ullormusianut aningaasartuutit tamarmiusut 2019-imi 36,7 mio. kr.-iusussatut missingerneqarput. Taakku 90 pct.-ii (33 mio.kr.) Namminersorlutik Oqartussanit 10 pct.-iilu (3,7 mio. kr.) kommuninit aningaasalersorneqarput.

Aningaasartuutaanerusussat tamarmiusut Aningaasaqarnermut Naalakkersuisoqarfimmit 7,8 mio. kr.-inut missingerneqarsimapput.

Aningaasartuutaanerusussat naatsorsorneqarnerini ilaatigut sulingiffeqartut tamarmik piffissaq tamaat suliffeqarsimanissaat, ilaatigullu suliffeqarsimasut taama amerlatigisut nalinginnaasumik angajoqqaatut sulingiffeqarsimasut aamma angajoqqaatut sulingiffeqarnerup sivitsorneqarneranik atuinissaat aallaavigineqarsimavoq. Nalilerneqarporli inuit arlallit sulingiffeqalinninnerminni piffissap ilaannaani suliffeqarlutik sulisarsimanissaat, taamatullu aamma angajoqqaatut sulingiffeqartarnerup sivitsorneqarnerata atorneqannginnissaa inuit ilaannit toqqarneqartarumaartoq. Sulinermik Inuussutissarsiuteqartut Kattuffiata (SIK) taamaalilluni ersersissimavaa isumaqarlutik suliamik ilinniagaqanngitsut ikittuinnaat sulingiffeqartut angajoqqaatut sulingiffeqarnerup sivitsorneqarneranik atuisassasut, erninermtut atatillugu sulingiffeqarnermi angajoqqaatullu sulingiffeqarnermi tamakkiisumik akissarsiaqartitsisoqanngitsillugu. Taamaattumik aningaasartuutaanerusussaviit nalorninartortaqarsinnaapput.

### **4. Inuussutissarsiornermut aningaasatigut allaffissornikkullu kingunerisassai**

Angajoqqaat sulingiffeqarsinnaatitaanerisa sapaatit akunnerinik 4-nik sivitsorneqarnerata malitsigisaanik inuussutissarsiortunut aammattaq aningaasartuutaanerusassoq naatsorsuutigineqarpoq, matumani sulisunut taartaasussanut aningaasartuutissat ilanngullugit. Taamaattoq aningaasartuutaanerusussap taassuma annikitsuinnaanissaa nalilerneqarpoq, tassami sulisut amernerpaartai taamaallaat erninermtut atatillugu ullormusiaqartitaanissamik pisinnaatitaassammata.

Taamaattorli aningaasartuutaanerusussaviit tamarmiusut naatsorsorneqarsinnaanissaannut kisitsisitigut paasissutissanik tunngavissanik pissarsinissaq ajornarsimavoq

### **5. Avatangiisinut, pinngortitamut innuttaasullu peqqissusiannut kingunerisassai**

Siunnersuutip avatangiisinut, pinngortitamut innuttaasullu peqqissusiannut kinguneqartussatut nalilerneqanngilaq.

### **6. Innuttaasunut kingunerisassai**

Angajoqqaatut sulingiffeqartarnerup sapaatit akunnerini 4-ni sivitsorneqarnera ilaqutariinnut meerartalinnut pitsaasumik isumaqassaaq, taakkumi meerartaareernerup meeqqamilluunniit imaluunniit meeqqanik tiguserernerup kingorna piffissami siullermi ataatsimoorinissaminut piffissaqarnerulernissamik pisinnaatitaaffeqalissapput.

### **7. Kingunerisassai pingaarutillit allat**

Siunnersuut pingaarutilinnik allanik kinguneqassanngilaq.

### **8. Tusarniaaneq**

Siunnersuut piffissami 28. Maj 2019-imiit 11. Juni 2019-imut naalackersuisut.gl-ip tusarniaanermut quppersagaani tamanut saqqumiunneqarnikuvoq.

Piffissami tassani tusarniaaffigisani makkunani siunnersuut tusarniutigineqarsimavoq:"

Naalackersuisut Siulittaasuata Naalackersuisoqarfia, Pinngortitamut, Avantangiisinut Ilisimatusarnermullu Naalackersuisoqarfik, Aningaasaqarnermut Naalackersuisoqarfik, Ineqarnermut Attaveqatigiinnermullu Naalackersuisoqarfik, Nunanut Allanut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Peqqissutsimut Naalackersuisoqarfik, Isumaginninnermut, Inatsisinillu Atuutsitsinnermut Naalackersuisoqarfik, Inuussutissarsiornermut Nukissiuuteqarnermullu Naalackersuisoqarfik, Aatsitassanut Suliffeqarnermullu Naalackersuisoqarfik, Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoqarfik, Aningaasaqarnermut Sulisoqarnermullu Aqutsisoqarfik (ASA), Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Atuisartoqarnermut Unammilleqatigiinnermullu Aqutsisoqarfik, Inuit pisinnaatitaaffiinut Kalaallit Nunaata Siunnersuisoqatigiivi, Kalaallit Nunaanni Naligiissitaanissamut Siunnersuisoqatigiit, Institut for Menneskerettigheder, Meeqqat illersuisuat MIO, Peqatigiiffik Kalaallit Meerartaat, MIBB (Meeqqat Inuunerissut), Sorlak (Kalaallit Nunaanni meeqqat inuusuttullu siunnersuisoqatigiiffiat), Sulisitsisut, SIK (Suliatigut peqatigiiffiit Kattuffiat), IMAK (Ilinniartitsisut Meeqqat Atuarfianeersut Kattuffiat), NIISIP (Kalaallit Nunaanni inunnik siunnersortitut ilinniagallit peqatigiiffiat), Atorfillit Kattuffiat (Suliatigut peqatigiiffik), Nunatsinni Perorsaasut Kattuffiat (Suliatigut peqatigiiffik), ASG (Ilinniagartuut Kattuffiat), Peqqissaasut Kattuffiat, Kalaallit Nunaanni

Politiit, Kalaallit Nunaanni Pinerluttunik Isumaginnittut, Nunatsinni Advokatit, Kalaallit Nunaanni Naalagaaffiup Sinniisua, Moderniseringsstyrelsen

**Siunnersuummi aalajangersakkanut ataasiakkaanut nassuiaatit***§ 1-imut*

## Imm. 1-imut

Meeqqap inunngornerata imaluunniit meeqqap tigunerata kingunitsiannguagut sapaatit akunnerinut 15-inut atatillugu angajoqqaat meeravissartaartulluunniit katillugit sapaatit akunneri 21-it tikillugit angajoqqaatut sulinngiffeqarnissaq pisinnaatitaaffigaat aalajangersakkami aalajangersarneqarpoq.

## Imm. 2-mut

Meeqqat inunngornerisa imaluunniit meeqqat tigunerisa kingunitsiannguagut sapaatit akunnerinut 19-inut atatillugu, meeqqanut 2-nnut imaluunniit amerlanermut ataatsikkut inunngortunut angajoqqaat meeravissartaartulluunniit katillugit sapaatit akunneri 25-it tikillugit angajoqqaatut sulinngiffeqarnissaq pisinnaatitaaffigaat aalajangersakkami aalajangersarneqarpoq.

*§ 2-mut*

Aalajangersakkami siunnersuutip atuutilerfissaa taaneqarpoq. Angajoqqaat, matumani meeravissartaartut ilanngullugit, ullormi inatsisip atuutilerfiani kingusinnerusukkulluunniit sulinngiffeqarsimagunik malitseriissillugit sapaatit akunnerini 21-ini aamma 25-ini angajoqqaatut sulinngiffeqarsinnaatitaasut erseqqissaatigineqarpoq.